



21948

kat.komp.

III

Mag. St. Dr.


P

Episc. Lodziensis

pro publico dolore

PANEG. et VITAE
Polon. Fol.
№ 834.

Biblioteka Jagiellońska



stdr0004666



P V

D

Epif

D.

480

A R A
P V B L I C I D O L O R I S
I N F V N E R E

Reuerend^{mi}. ac Perillustris.

D. T H O M Æ
O B O R S K I

Episc. Laod. Suffraganei & Cano-
nici Crac.&c.

Inter Parentalia Sacra

Et solennes Humationis cerimonias

E X C I T A T A

Studio Religiosæ in Mæcenatem voluntatis,

Ad commune consanguinei luctûs solatium

D I C A T A V E R O

Perill^{ri} & Adm^o Rdo Dño

D. N I C O L A O
O B O R S K I

Canonico Cracoũ. Nepoti eiusdem

Reuerendissimi Defuncti.

CRACOVIE Anno Domini 1645

Prid. Non. Iul.

Imprimatur

*Jacobus Vstiensis S. Th & I. V. D. libro-
rum censor.*

ELyfiæ gaudere domus. date ferta per A R A S,
Festaque Sarmaticos hilarent altaria Diuos.
Felix & nimiùm felix, plorataque C R A C O
Vmbra venit. longè Furiarum sibila, longè
Tergeminus custos penitus via longa patefcāt
M A N I B V S egregijs. Dabimus solatia dignis
Luctibus, æternisque vltro sacrabimus A R I S
Inferias ô M Y S T A Tuas. Tu mæstus O B O R S C I
Balsama, Tu messes Cilicumque, Arabumque propinquis
Merge rogis: Si quis P A T R V I post funera sensus.

Papinius Statius. 3. Sylu.



21.948 III

Casta verecundi dum stemmata cernis O B O R S C I,
Quis neget Hæc animi L I L I A nata domo?

PRÆFATIO

Ad perillustr. Dñum
NICOLAVM OBORSKI

Canonicum Cracoũ.

Executorem Testamenti.



*H*æc publica doloris Ara Reuerēdissimi Patru
Tui integerrimis Manibus excitata, non nisi
tuo nomini fuerat dedicanda Perillustis Do
mine. ad quem potissima tātæ cladis ruina &
dolor attinet parentatis; ut non immeritò
vñus instar omniũ ad hanc posthumæ recor
dationis Aram consistere & litare videaris. Ordiris tu quidem
lugubre lacrymarum sacrificium, venientibus in partem lugendi
& Collegis & amicis. Neq; tamen & frigida Musarum solatia
Humanitatis tuæ expedies à conspectu, adeòq; patieris obortam
doloris nubem quā Eloquentia, quā Pœseos gemitu, ac suspirijs
ventilari. Non potui tumultuantium lacrymarum impetum in
tra me tenere, quin erumperet: quē illud maximè acuit quòd diu
tius flere non liceat; cū tenebras maroris, sole suo effulgens Per
illustis defunctus tuus sit discussurus. Ita quæ hodie in processu
funebri sunt lacrymæ, postmodũ velut in solitudine & situ iace
bunt, posthumam gloriæ adoraturæ maiestatem, Patrum vene
raturæ in Nepote. Nimirum in tuis moribus spirat extincti Pa
trui viua virtus. Ego interea in his Exequiarum lustris, non ut o
lim auida superstitionũ antiquitas mensano feralem, sed Aram
Publici Doloris erigo in trophæũ. Tu, ad eam, luctũs pariter ac
virtutũ Mysta assistes litaturus. memor etiam Diuorum aras
non tam thure quàm candore animi placatas consecrari. Vale.



ELOGIVM SEPVLCRHALE

Reuerend^{mi} & Perillust.
D. THOMÆ OBORSKI
Episc. Laod. Suffraganei
Cracoũ.

I.

Non careat Gloriæ Suffragio
Virtutum per omnia SVFFRAGATOR.
Veteris exemplum sanctimonix,
Nouæ Forma,
Reuerend^{mus} D. THOMAS OBORSKI.
In sortem Honorum genitus
Fortunam ipsam in inuidiam traxit,
Honores in admirationem pariter & amorem,
Omnibus par cùm esset Dignitatibus
Vnâ vsus est.
Sortitus animam non Dei minus capacẽ quàm laborũ
Suffragari summis maluit.
Nimirum
Suffici altis curulibus non alius debebat
Nisi qui non egeret suffragio.

Omni-

Omnium virtutes priuatæ domûs limine conclusit;
Quas vt securiûs publico committeret
Foris custodem virtutum.

Adhibuit verecundiam.
Multos ipsâ sui negligentia expoliuit
Ipsâ sui despicientia aspectabilis.

Idem

In mediâ parsimoniâ liberalis
Spartano terruit supercilio parasytos.
Luxum propè Lycurgicâ seueritate proscripsit,

Contentus

Si haberet quo locandos cælo sacculos obtegeret
Ne ad auram assentationis rumperentur.
Solam inferiorum despectionem erubuit,

Se quoque

Præesse non meminisset nisi alij recordarentur.

Quia in sua vitia non patebat

Alienis zelotes torquebatur.

Hâc vna mortalitatis noxâ, in nos peccauit

Quod sibi suisque vixerit necdum fatis.

Defuncti absentiam diutiùs lugeremus,

Nisi laudatæ CUNCTATORIS tarditati

Festinatione exurgētis MARIE prætulisset,

Quam feliciter

In montana abeuntem secururus postridie,

Et ipse ruinoso domicilio euocatur.

ELOGIVM II.

Opimam

Cœlo messem Iulius attulit,

Verùm & Cracouiæ orbitatem,

Suas illa iterum plangit clades.

Rata

A 3

Se in

Se in OBORSCÎ virtutibus parentare Stanislao.
Felices ter, & ampliùs
Quorum hic in argento & prodigijs
Ille in tot Sacerdotum centuriis à se afflatis
adhuc spirat.
Creator Athletarum
Cum lubrico Serpente congressurus
Vinctos & ipse inaugurat luctatores.
Flaminum religiosissimus
Castimoniæ ex integro Vectigalis
Continentiæ Vestali umbram fecit.
Ita nullum pestilentis æui hausit virus
Inter Gentilitia tantummodò pastus Lilia.
His ille innutritus ausibus
Durum imposuit mortalitati onus,
Quam
Posse Angelicè viuere didicit à seipso.
Vel eatenus concolor Stanislao.
Præterquam, quòd
Alterum ensis, morbus alterum confecit minutatim;
Non facilè Totum
Nisi per partes aggredèretur Heroë prostraturus.
Dubium
Illinè Infula, an ipse infusæ fuerit ornamèto?
Verè infulata victima
In cultros & funiculos caritatis incurrens,
Cui rota vitæ Sacrificium iuge erat.
Candidatus immortalitatis competitor
Quò plures vniùs compendio lucraretur vitas
Mortali semet exuit,
Nunquam vel apud Collegas in Honore
Aut in fastis Cathedralibus Curia
MORITVRVS.

ELO.

ELOGIVM III.

Planè suo respondens nomini Thomas;

Quippe vbi

Cælites argenteis hastis clam tentaret

Suis vix manibus & oculis, ne proderetur,
fidem habuit.

Virtutem Nomine magnifico dum velaret

Famam ipsâ detestatione in suas còëgit panegyres.

Contemni, solemnitatem & epulas arbitratus,

Ambitioni nefastas semper ferias promulgabat.

Nunquam splendidiori comitatu stipatus

Quàm cùm solus.

Sufficere nempe ratus

Si suam maiestatem animo sequeretur

Vbi corpore non posset.

Cæteros ad osculum sacræ manûs admittens

Ipse pacis signum à tellure flagitabat.

Diœceses proprijs lustravit impendijs,

Quasi pro eo ipso pretium solueret

Quòd sibi liceret esse impunè Liberalem.

An religiosam duceret vitam

Sui voluit Contubernij testes esse Religiosos.

Nullus eì ab auro color

Nisi quem traxisset è vultibus Egenorum.

Ad naturæ vsq; negligentiam

Proijciebat veriùs, quàm dabat Beneficium,

Quo beator fieret extra testes.

Voluntariâ duntaxat inopiâ opulentus;

Tantalum diceres inter aquas!

Soliùs Dei famem ex diuturno collectam

Ad Cœnam vltimam reseruauit.

Et mirabimur

Si & huic nostro cedat in præmium præmiator?
 Abyssus nisi abyſſo non impletur.
Thomæ
Hebræis Ne agoni quidem proximus Thomæ oblitus est,
Abyſſus Cum non digitum modò sed & ora & oculos
 Inferret in latus & vulnera
 Cruci- Fixi;
 Cuius ad aram condi voluit,
 Vt vel sic cū Rege à ligno regnante locuturus
 Reginâ interprete vteretur.

S. Hedwigi

PATRI

MVNIFICENTISSIMO

Religiosarum Familiarum

ODE I.

T Amen sepulchri tristibus occidit
 Illatus Vmbris? Laodices Honor,
 Vittatus Antistes? labatque
 Grande Cracis columnen Tiaræ?
 Gembicianis addita Fascibus
 Mitræque virtus. Luminis indiga
 I nunc Timantheis adumbra
 Fata notis; oculisque captam
 Effinge mortem, sunt & inertibus
 Non cæca Fatis tela; nec irriti
 Arcus, & inconsulta nigræ
 Vis animæ. speculatur altos
 Cum plebe Reges, intima Curia
 Censore passu limina permeat,
 Terrisque, & euagata ponto
 Prælia, multiplicatque casum.

Impu-

Impunè magnis vel penetralium
 Iniqua templis. Testis Oborsciæ
 Ruina cladis! testis illa
 Funereo grauis Hora luctu!
 Non Candor illum pectoris; aut sacri
 Texit Pudoris grata seueritas
 Non cara ceruix, non Verendum
 Emeritæ senium Tiaræ.
 Quò dona centum fusa canalibus?
 Quò non auaræ densa pecuniæ
 Procella cefsit? quò laborum
 Soliciti recidistis ausus?
 Virtus Tiaræ, Relligio Pedum,
 Honos curulim, Lilia cûi Pudor
 Mens casta Verbenas, odores
 Integritas, pia Thura Candor,
 Et tensa cælo nuper adorea
 Tendebat ardor. Sortis at ô vices!
 O fidus infaufti Leonis!
 O memores feritatè Nonæ!

NÆNIA FVNEBRIS

IN

FVNERE

REVERENDISSIMI

ODE II.

Nescit seueris legibus innocens
 Dolor teneri, sistat inertibus
 Cursum querelis, qui modesto
 Ad lachrymas volet ire vultu,

Et in-

Et incitatos margine palpebræ
 Fluctus doloris temperet, hic licet
 Recti procellam, seu Honesti
 Naufragium paueat, vel altum
 Mæroris æquor. Non ego ludicræ
 Artis Magister, viuida mortuis
 Dem vela ventis, non amicæ
 Per lacrymæ vada sicca pergent
 OBORSCIANÆ carbasa gloriæ.
 Quanquam peracto dum TIBI constitit
 Tranquilla portu naus, vdos
 Seruat adhuc memor vrna riuos;
 Non quos beati littoris inuidus
 Pirata mundus sparserit, & ratis
 Damnum notârit, sed quieti
 Oceanus tulerit doloris,
 O docte magni nauita nominis,
 Æternitatis nobilis arbiter,
 Sublimis OBORSCI! ô vetusti
 Dulce decus, columeque Craci!
 TE mæsta circum marmora posthumis
 Flebunt colossis, te pater Istula
 Plorabit, & latè doloris
 Flumineo ruet ore lymphas.

IN FVNERE
 REVERENDISSIMI
 DOMINI
 ODE III.

Q Vem sæpè casus præterit, inuenit
 Quandoque. fatis credite parcius

Exinde

Exinde mortales secundis
 Nec nimium date vela ventis,
 Mors & Virentem falce puertiam,
 Nec non adultos demetit aurea
 Culmos aristæ, cumque canis
 Miscet iners violas ligustris.
 Commune fatum est, irreuocabilem
 Periculosi temporis aleam
 Tractamus omnes, sitque segnis
 Hora licet properamus ipsi.
 Stat imminentis fixa necessitas
 Lethi, nec vllus præcipientium
 Errauit ad tumbas Sororum.
 Indomiti manet vna fati
 Sors, luctuosis scilicet immori
 Semel cupressis labimur: & necem
 Vrgente Fortunâ propinquos
 Insequitur noua pompa Manes.
 Te quem frequentes nuper idoneo
 Inaugurantes vidimus Ordine
 Heroas, hem Mystes eodem
 Vidimus occubuisse telo
 Iniuriosæ mortis. at inuidam
 Te non tiaræ Præsulis, aut Sacri
 Fasces, nec illustres Verendi
 Pontificis tenuere Mitræ.
 Eant solutis flumina palpebris,
 Gemant plateæ, tollite lugubres
 Delubra cortinas, obortis
 Obuiet & lachrymis & alto
 Luctu dolenti Cracus ab aggere,
 Ludornè? flauo prodiit Istula
 Ab amne, terque denegati
 Ingemuit prope tecta Patris,

At viuis io, viuis adhuc iubar
 Præsigne Craci! quin & ouantibus
 Cinctus triumphis, personantes
 Cælituum nouus hospes aulas
 Reuifis. Ad quæ gaudia te Pudor,
 Et in citato pectoris effedo
 Tranquilla præuexit Sacerdos
 Relligio, positasque subter
 Calcare terras iussit! & aureus
 Hinc Candor, illinc proxima veritas
 Assedit, & matura circum
 Te Pietas, sed & innocentum
 Cohors sororum. Te vocat hinc pudor
 Hinc septa miti nube Modestia,
 Expectat inconcussa virtus
 Et meritis iubet ire stellis.
 Tunc & clientis Regna Poloniæ
 Et fata cernes; sub pedibus graues
 Curasque terrarum videbis,
 Et memoris penetrale Craci.



